

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članovima 37. stav (1) i 45. stav (1) Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 57. sjednici, održanoj dana 21.05.2020. godine, d o n o s i

ZAKLJUČAK

o izmjenama Programa utroška sredstava Budžeta Zeničko-dobojskog kantona za poticaje u poljoprivredi za 2020. godinu, broj: 02-11-4190/20 od 13.03.2020. godine

I.

Usvajaju se izmjene Programa utroška sredstava Budžeta Zeničko-dobojskog kantona za poticaje u poljoprivredi za 2020. godinu, broj: 02-11-4190/20 od 13.03.2020. godine (u daljem tekstu: Program), na način da:

- u dijelu Programa Opći podaci o Programu, u tački 3. Ukupna vrijednost Programa, iznos „3.000.000,00 KM“, mijenja se iznosom „3.019.418,00 KM“.
- u dijelu Programa UVOD iznos „3.000.000,00 KM“ mijenja se iznosom „3.019.418,00 KM“.
- u poglavlju II KRITERIJI ZA RASPODJELU SREDSTAVA, u Posebnim kriterijima, C/ Model kapitalnih ulaganja, u tački 19. Podrška za nabavku mehanizacije za poljoprivredu, brišu se riječi „i druge opreme“.
- u poglavlju II KRITERIJI ZA RASPODJELU SREDSTAVA, u Posebnim kriterijima, D/ Model ostalih vrsta podrški, u tački 23. Medijska promocija poljoprivredne proizvodnje, iznos „20.000,00 KM“ mijenja se iznosom „39.418,00 KM“.
- u poglavlju III VISINA I RASPODJELA SREDSTAVA u Tabeli 1, D/MODEL OSTALIH VRSTA PODRŠKI, redni broj 23, Medijska promocija poljoprivredne proizvodnje, iznos „20.000,00 KM“ mijenja se iznosom „39.418,00 KM“.
- u poglavlju III VISINA I RASPODJELA SREDSTAVA u Tabeli 1, D/MODEL OSTALIH VRSTA PODRŠKI, u redu UKUPNO iznos „119.000,00 KM“ mijenja se iznosom „138.418,00 KM“.
- u poglavlju III VISINA I RASPODJELA SREDSTAVA u Tabeli 1, iza riječi „UKUPNO (A+B+C+D)“ iznos „3.000.000,00 KM“ mijenja se iznosom „3.019.418,00 KM“.

II.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svoje nadležnosti.

III.

Zaključak stupa na snagu danom donošenja.

Broj: 02-11-7247/20

Datum, 21.05.2020. godine
Zenica

DOSTAVLJENO:

- ☒ Ministarstvo za poljoprivredu, šumarstvo i vodoprivredu,
- ☐ Ministarstvo finansija,
- ☐ a/a.





BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA POLJOPRIVREDU,
ŠUMARSTVO I VODOPRIVREDU

PROGRAM
utroška sredstava Budžeta Zeničko-dobojskog kantona
za poticaje u poljoprivredi za 2020. godinu

Zenica, mart 2020. godine

PROGRAM
utroška sredstava Budžeta Zeničko-dobojskog kantona
za poticaje u poljoprivredi za 2020. godinu

Opći podaci o Programu

1. Program je usvojen: Na 48. sjednici Vlade Zeničko-dobojskog kantona održanoj dana 13.03.2020. godine.
2. Period realizacije Programa: Isplata podrški za poljoprivredne proizvodnje koje su realizovane u periodu od 01. 01. do 31. 12. 2020. godine. U ovom periodu izvršit će se i isplata podrški za proizvodnje koje su započete u 2019. godini, a završene u 2020. godini.
3. Ukupna vrijednost Programa: 3.000.000,00 KM
4. Namjena Programa: Podrška primarnoj animalnoj i biljnoj proizvodnji, prerađivačima i otkupljivačima, te kapitalnim ulaganjima u poljoprivredi.
5. Korisnici Programa: Poljoprivredni proizvođači, zadruge, udruženja poljoprivrednika, otkupljivači i prerađivači prehrambenih proizvoda.
6. Izvor sredstava: Budžet Zeničko-dobojskog kantona za 2020. godinu - Budžet Ministarstva za poljoprivredu, šumarstvo i vodoprivredu - „Subvencije za podsticaj razvoja u poljoprivrednoj proizvodnji“, razdjel 23, budžetska organizacija 01, potrošačka jedinica 0001, ekonomski kod 614400, NAD 402 i Zakon o izvršavanju Budžeta Zeničko- dobojskog kantona za 2020. godinu ("Službene novine Zeničko-dobojskog kantona", broj: 24/19)
7. Nosilac Programa: Ministarstvo za poljoprivredu, šumarstvo i vodoprivredu Zeničko-dobojskog kantona
8. Odgovorna osoba: Mirnes Bašić, ministar

UVOD

Odredbama Zakona o poljoprivredi ("Službene novine Federacije BiH", broj: 88/07, 4/10, 27/12 i 7/13) i Strategijom razvoja Zeničko-dobojskog kantona za period 2016-2020.godina, utvrđeni su pravci budućeg razvoja poljoprivrede na području Zeničko-dobojskog kantona. Razvoj poljoprivrede Zeničko-dobojskog kantona u značajnoj mjeri oslanja se na poticajna sredstva iz federalnog i kantonalnog budžeta, te što je nivo poticajnih sredstava bliži poticajima u okruženju, to je realnije očekivati razvoj poljoprivrede na našem području.

Po Programu za 2020. godinu opredijeljena su sredstva za poticaje u poljoprivredi u ukupnom iznosu od 3.000.000,00 KM.

U izradi Programa za 2020. godinu korišteni su slijedeći parametri:

- Proizvodne resursne mogućnosti Zeničko-dobojskog kantona,
- Mjere Strategije razvoja Zeničko-dobojskog kantona za period 2016.-2020.godina,
- Kontinuitet poticajnih mjera,
- Mogućnosti plasmana poticajnih proizvodnji,
- Sinhronizacija sa federalnim podrškama,
- Preporuke stručnih poljoprivrednih službi Ministarstva koje neposredno na terenu prate kretanja u poljoprivrednoj proizvodnji i prerađivačkim kapacitetima prehrambene industrije i
- Preporuke naučnih i stručnih institucija iz sektora.

I POGLAVLJE - CILJEVI I SVRHA PROGRAMA

1. CILJEVI PROGRAMA

U Programu novčanih podrški za 2020. godinu realizovat će se prioritetne mjere novčanih podrški po modelu poticaja proizvodnji i dio mjera strukturne politike koje trebaju doprinijeti ispunjavanju sljedećih ciljeva:

- a. Unaprjeđenje poljoprivredne proizvodnje i povećanje obima korištenja poljoprivrednog zemljišta s ciljem jačanja konkurentnosti na domaćem i inozemnom tržištu.
- b. Uspješnije uvođenje novih tehnologija.
- c. Uvezivanje primarnih poljoprivrednih proizvođača sa prerađivačima (prehrambenom industrijom) u Zeničko-dobojskom kantonu.
- d. Povećanje otkupa poljoprivrednih proizvoda sa područja Zeničko-dobojskog kantona.
- e. Očuvanje stočnog fonda.
- f. Povećan nivo korištenja poljoprivrednog zemljišta i šira primjena agrotehničkih mjera u obradi zemljišta.
- g. Povećan nivo korištenja ukupno raspoloživih resursa za poljoprivrednu proizvodnju.
- h. Povećano upošljavanje u primarnoj poljoprivrednoj proizvodnji i prehrambenoj industriji.
- i. Povećanje finansijskih ulaganja u primarnu poljoprivrednu proizvodnju, a posebno u prehrambenu industriju.
- j. Osiguranje stabilnog poljoprivrednog dohotka i omogućavanje adekvatnog životnog standarda poljoprivrednih proizvođača.

2. SVRHA PROGRAMA

Svrha ovog programa je nastaviti provođenje prioritetnih mjera novčanih podrški u okviru raspoloživog budžeta. Mjere podrške u poljoprivredi iz Budžeta Zeničko-dobojskog kantona za 2020. godinu usmjerene su prema slijedećim proizvodnjama i aktivnostima.

A/ Podrška poljoprivrednoj proizvodnji

A/1 Animalna proizvodnja

- Podrška za uzgoj brojlera,
- Podrška za držanje koka nosilja,
- Podrška za registrovane farme goveda,
- Podrška za registrovanu ovčarsku ili kozarsku proizvodnju,
- Podrška za registrovanu svinjogojsku proizvodnju.

A/2 Biljna proizvodnja

- Podrška za proizvodnju presadnica povrća,
- Podrška za poljoprivrednu proizvodnju u plastenicima i staklenicima,
- Podrška za proizvodnju maline i kupine (konvencionalna proizvodnja) i jagode proizvedene po principu organske proizvodnje,
- Podrška za proizvodnju krastavca-kornišona,
- Podrška za certificiranje organske poljoprivredne proizvodnje,
- Podrška za zasnivanje novih zasada jagodičastog voća,
- Podrška za zasnivanje zasada koštičavog, jabučastog i jezgrastog voća.

B/ Podrška otkupljivačima/prerađivačima

- Podrška otkupljivačima/prerađivačima mlijeka sa područja Zeničko-dobojskog kantona,
- Podrška otkupljivačima/prerađivačima pilećeg mesa,
- Podrška otkupljivačima za otkup svježeg povrća i voća,
- Podrška otkupljivačima ljekovitog bilja,
- Podrška organizatorima otkupa jagodičastog voća,
- Podrška otkupljivačima jagodičastog voća koji vrše zamrzavanje.

C/ Podrška kapitalnim ulaganjima

- Podrška za nabavku mehanizacije za poljoprivredu,
- Podrška za nabavku plastenika,

D/ Ostale vrste podrški

- Podrška projektima iz oblasti pčelarstva,
- Finansiranje sajmovi i izložbi,
- Medijska promocija poljoprivredne proizvodnje,
- Nerealizovani zahtjevi iz prethodnog perioda i pomoć u posebnim okolnostima;

II KRITERIJI ZA RASPODJELU SREDSTAVA

Odobrena finansijska sredstva iz Budžeta Zeničko-dobojskog kantona za 2020. godinu pod stavkom „Subvencije za podsticaj razvoja u poljoprivrednoj proizvodnji“ opredjelit će se fizičkim i pravnim licima (u daljem tekstu: korisnici), prema općim i posebnim kriterijima.

1. OPĆI KRITERIJ

Pravo na ostvarivanje podrški stiču:

- korisnici koji su ostvarili primarnu poljoprivrednu proizvodnju ili koji poljoprivrednu djelatnost obavljaju na teritoriji Zeničko-dobojskog kantona, ako to ovim Programom ili Uputstvom nije drugačije propisano,
- korisnici koji imaju stalno mjesto prebivališta, odnosno pravna lica koja imaju sjedište ili poslovnu jedinicu sa sjedištem na području Zeničko-dobojskog kantona,
- korisnici upisani u registar gazdinstava/klijenata kao nosioci,
- korisnici koji su izmirili svoja poreska i druga dugovanja prema Zeničko-dobojskom kantonu,
- korisnici koji pored općih kriterija ispunjavaju i posebno propisane kriterije predviđene ovim Programom i Uputstvom o ostvarivanju novčanih podrški za poljoprivrednu proizvodnju ili djelatnost u poljoprivredi u 2020. godini (u daljem tekstu Uputstvo), koje donosi ministar Ministarstva za poljoprivredu, šumarstvo i vodoprivredu Zeničko-dobojskog kantona,

2. POSEBNI KRITERIJI

A/ MODEL PODRŠKI PROIZVODNJI

A/1 Animalna proizvodnja

1. **Podrška za uzgoj brojlera** – Podržava se proizvodnja brojlera do 0,10 KM/brojleru, proizvođačima koji su registrovali djelatnost za tu proizvodnju i koji u vlastitim ili zakupljenim objektima utove najmanje 5.000 brojlera u turnusu, te imaju zaključen ugovor o kooperaciji sa subjektom registrovanim za preradu ili otkup brojlera, ukoliko ispunjavaju i druge kriterije koji će biti propisani Uputstvom. Maksimalan iznos podrške po jednom subjektu je 20.000,00 KM. Konačan iznos podrške po jednom brojleru bit će utvrđen nakon sublimiranja ukupne količine brojlera koji će biti predmetom podrške.
Cilj: zadržati dostignuti nivo proizvodnje, odnosno zadržati u proizvodnji isti broj farmi sa tendencijom povećanja produktivnosti.
2. **Podrška za držanje koka nosilja** – Podržava se držanje koka nosilja za farme koje posluju u okviru registrovane djelatnosti sa useljenim 18-nedjeljnim pilenkama lake linije u visini 1,00 KM/pilenki. Maksimalan iznos podrške po jednom subjektu je 20.000,00 KM. Proizvodnja se može obavljati u vlastitom ili zakupljenom objektu na području Zeničko-dobojskog kantona. Minimalan broj koka nosilja koji se podržava je 1.500, ukoliko su ispunjeni i drugi kriteriji koji će biti propisani Uputstvom.
Cilj: zadržati dostignuti nivo proizvodnje.
3. **Podrška za registrovane farme goveda** – Podržavaju se farme muznih grla koje su registrovane kao obrti sa osnovnom djelatnošću prema Zakonu o obrtu i srodnim djelatnostima i koje imaju minimalno 7 muznih grla u kategoriji krave u laktaciji, u vrijeme podnošenja zahtjeva. Iznos podrške je do 400,00 KM/grlu, do maksimalno 12.000,00 KM po jednom subjektu. Farme sa minimalno 15 krava koje su registrovane kao obrti sa osnovnom djelatnošću prema Zakonu o obrtu i srodnim djelatnostima, a koje ne plasiraju mlijeko i prerađevine od mlijeka u otkup/tržište, podržavaju se u visini do 100 KM/krava. Farme moraju biti na teritoriji Zeničko-dobojskog kantona, te ispunjavati i druge kriterije koji će biti propisani Uputstvom.
Cilj: zadržati dostignuti nivo proizvodnje.

4. **Podrška za registrovanu ovčarsku i kozarsku proizvodnju** – Podržavaju se registrovane ovčarske ili kozarske proizvodnje koje su registrovane kao obrti sa osnovnom djelatnošću prema Zakonu o obrtu i srodnim djelatnostima i koje imaju minimalno 100 grla ovaca, odnosno 25 grla koza, prema izvodu iz Evidencije Agromediterranskog zavoda u Mostaru, zaključno sa 31.12.2019. godine. Iznos podrške je do 3.000,00 KM po registrovanom obrtu.
5. **Podrška za registrovanu svinjogojsku proizvodnju** – Podržava se svinjogojska proizvodnja za one proizvođače koji su registrovani kao obrti sa osnovnom djelatnošću prema Zakonu o obrtu i srodnim djelatnostima i koji imaju minimalno 20 tovljenika u jednom turnusu ili 10 rasplodnih krmača u uzgoju. Iznos podrške je 2.000,00 KM po registrovanom obrtu.
Cilj: zadržati dostignuti nivo proizvodnje.

A/2 Biljna proizvodnja

6. **Podrška za proizvodnju presadnica povrća** – Podržava se registrovana proizvodnja presadnica povrća u iznosu od 0,04 KM po proizvedenoj presadnici povrća do 500.000 presadnica, te da ispunjavaju i druge kriterije koji će biti propisani Uputstvom.
Cilj: proizvodnja kvalitetnog certificiranog sadnog materijala dostupnog po nižim cijenama – zadržati dosadašnji nivo.
7. **Podrška za poljoprivrednu proizvodnju u plastenicima i staklenicima** – Podržavaju se poljoprivredni proizvođači koji imaju registrovanu poljoprivrednu djelatnost kao osnovnu djelatnost registrovanu po Zakonu o obrtu i srodnim djelatnostima, u iznosu od 5,00 KM/m² plastenika, a proizvodnju organizuju u plastenicima i/ili staklenicima minimalne površine 500 m². Maksimalan iznos podrške po jednom subjektu je 7.000,00 KM ukoliko su ispunjeni i drugi kriteriji koji će biti propisani Uputstvom.
Cilj: povećati površinu pod plasteničkom proizvodnjom i povećati broj zaposlenih.
8. **Podrška za proizvodnju maline i kupine (konvencionalna proizvodnja) i jagode proizvedene po principima organske proizvodnje** – Podržava se proizvodnja maline i kupine sa iznosom od 0,40 KM/kg za pravna lica i obrte i sa iznosom do 0,30 KM/kg za fizička lica u zavisnosti od broja prispjelih zahtjeva kod proizvođača koji predaju otkupljivaču/prerađivaču minimalno 700 kg maline i kupine (konvencionalna proizvodnja) i jagode proizvedene po principima organske proizvodnje, ukoliko su ispunjeni i drugi kriteriji koji će biti propisani Uputstvom. Konačan iznos podrške po jednom kg za fizička lica bit će određen nakon sumiranja prijavljene količine maline, kupine i jagode koja će biti predmetom podrške.
Cilj: povećati broj komercijalnih proizvođača koji imaju registrovani obrt.
9. **Podrška za proizvodnju krastavca-kornišona** – Podržava se proizvodnja krastavca-kornišona sa iznosom do 0,10 KM/kg, za fizička lica i iznosom od 0,40 KM/kg do maksimalno 3.000,00 KM za proizvođače koji imaju registrovanu poljoprivrednu djelatnost kao osnovnu djelatnost registrovanu po Zakonu o obrtu, kod proizvođača koji proizvedu krastavac kornišon na parceli površine minimalno 1 dunum i kojeg predaju otkupljivaču/prerađivaču, ukoliko su ispunjeni i drugi kriteriji koji će biti propisani Uputstvom.
Cilj: zadržati dostignuti nivo proizvodnje uz povećanje produktivnosti, odnosno povećanje broja proizvođača koji imaju registrovani obrt.
10. **Podrška za certifikaciju organske poljoprivredne proizvodnje** – Podržava se certifikacija organske poljoprivredne proizvodnje kod proizvođača koji imaju certifikat za organsku poljoprivrednu proizvodnju. Iznos podrške je 1.000,00 KM na ime podnosioca zahtjeva. Pravo na podršku mogu ostvariti samo proizvođači koji imaju certifikat za organsku poljoprivrednu proizvodnju, ukoliko su ispunjeni i drugi kriteriji koji će biti propisani Uputstvom.

11. Podrška za zasnivanje novih zasada jagodičastog voća (malina, kupina, ribizla, borovnica, brusnica, aronija i ogrozd) – Podržava se zasnivanje novih zasada jagodičastog voća na površini od 1 dunuma i više, sa iznosom do 700,00 KM/dunumu, u zavisnosti od broja prispijelih zahtjeva, ukoliko su ispunjeni i drugi kriteriji koji će biti propisani Uputstvom.
Cilj: sačuvati postojeći nivo podizanja zasada jagodičastog voća sa namjerom obnavljanja postojećih zasada.

12. Podrška za zasnivanje zasada koštičavog, jabučastog i jezgrastog voća – Podržava se zasnivanje novih intenzivnih zasada voća (jabuka, kruška, šljiva, trešnja, višnja, dunja, kajsija, breskva, okalemljeni orah i lijeska), na površinama od 2 – 10 dunuma. Iznos podrške je 500 KM/dunumu.

Cilj: zadržati dostignuti nivo podignutih zasada i intenzivirati podizanje novih zasada sorti jabuka, kruška, šljiva, trešnja, višnja, dunja, kajsija, breskva, okalemljeni orah i lijeska.

B/ MODEL PODRŠKI OTKUPLJIVAČIMA/PRERAĐIVAČIMA

13. Podrška otkupljivačima/prerađivačima mlijeka sa područja Zeničko-dobojskog kantona – Podržavaju se otkupljivači/prerađivači mlijeka za otkup svježeg mlijeka sa područja Kantona sa 0,02 KM/l, za onu količinu mlijeka temeljem koje su prema kriterijima Federalnog ministarstva poljoprivrede, vodoprivrede i šumarstva njihovi kooperanti ostvarili novčanu podršku za period od prvog do trećeg kvartala tekuće godine, ukoliko su ispunjeni i drugi kriteriji koji će biti propisani Uputstvom.

Cilj: zadržati dostignuti nivo otkupa i prerade.

14. Podrška otkupljivačima/prerađivačima pilećeg mesa – Podržavaju se registrovani otkupljivači/prerađivači brojlerskog mesa sa 0,10 KM/kg, za otkupljenu količinu od kooperanata sa kojima imaju sklopljene ugovore o proizvodnji brojlera. Maksimalan iznos po jednom subjektu je 25.000,00 KM, ukoliko su ispunjeni i drugi kriteriji koji će biti propisani Uputstvom.

Cilj: zadržati dostignuti nivo otkupa i prerade.

15. Podrška otkupljivačima svježeg povrća i voća – Podržavaju se registrovani otkupljivači svježeg povrća i registrovani otkupljivači svježeg voća (izuzev jagodičastog voća) sa 0,04 KM/kg koji od proizvođača sa područja Zeničko-dobojskog kantona sa kojima imaju sklopljene ugovore o proizvodnji, otkupe voće i povrće. Maksimalan iznos podrške po jednom subjektu iznosi 10.000,00 KM, ukoliko su ispunjeni i drugi kriteriji koji će biti propisani Uputstvom.

Cilj: zadržati dostignuti nivo otkupa i ostvariti plasman proizvoda na domaćem i inostranom tržištu.

16. Podrška registrovanim otkupljivačima ljekovitog bilja – Podržavaju se registrovani otkupljivači ljekovitog bilja sa 0,20 KM/kg koji od proizvođača sa područja Zeničko-dobojskog kantona sa kojima imaju sklopljene ugovore o otkupu, otkupe ljekovito bilje. Maksimalan iznos podrške po jednom subjektu iznosi 10.000,00 KM, ukoliko su ispunjeni i drugi kriteriji koji će biti propisani Uputstvom.

Cilj: zadržati dostignuti nivo otkupa i osigurati plasman proizvoda na domaćem i inostranom tržištu.

17. Podrška registrovanim organizatorima otkupa jagodičastog voća – Podržavaju se pravna lica koja sa proizvođačima jagodičastog voća sa područja Zeničko-dobojskog kantona imaju

zaključene ugovore o otkupu jagodičastog voća. Iznos podrške je do 0,05 KM/kg ukoliko su ispunjeni i drugi kriterije koji će biti propisani Uputstvom.

Cilj: zadržati dostignuti nivo otkupa i osigurati plasman proizvoda na domaćem i inostranom tržištu.

- 18. Podrška otkupljivačima jagodičastog voća koji vrše zamrzavanje** – Podržavaju se pravna lica koja sa proizvođačima jagodičastog voća sa područja Zeničko-dobojskog kantona imaju zaključene ugovore o otkupu, otkupe i zamrzu jagodičasto voće. Iznos podrške je do 0,10 KM/kg. Otkupljivač koji podnosi zahtjev mora imati komore za zamrzavanje i ispunjavati druge kriterije koji će biti propisani Uputstvom.

Cilj: zadržati dostignuti nivo otkupa i osigurati plasman proizvoda na domaćem i inostranom tržištu.

C/ MODEL KAPITALNIH ULAGANJA

- 19. Podrška za nabavku mehanizacije za poljoprivredu** – Podržava se nabavka nove mehanizacije za poljoprivredu u iznosu do 25% vrijednosti za nabavku poljoprivredne mehanizacije, priključaka za mehanizaciju i druge opreme, za proizvođače koji imaju registrovanu poljoprivrednu djelatnost kao osnovnu djelatnost registrovanu po Zakonu o obrtu, te da su ispunjeni i drugi kriteriji koji će biti propisani Uputstvom.

Cilj: obnavljanje mašinskog parka kod registrovanih poljoprivrednih proizvođača i uvođenje novih tehnologija u obradi i sjetvi.

- 20. Podrška za nabavku plastenika** – Podržava se nabavka novih plastenika sa 10,00 KM/m² minimalne površine 100 m². Podržava se nabavka novih plastenika za poljoprivredne proizvođače koji imaju registrovanu poljoprivrednu djelatnost kao osnovnu djelatnost registrovanu po Zakonu o obrtu, te da su ispunjeni i drugi kriteriji koji će biti propisani Uputstvom.

Cilj: povećati proizvodne površine u zaštićenom prostoru.

D/ MODEL OSTALIH VRSTA PODRŠKI

- 21. Podrška projektima iz oblasti pčelarstva** – Podržavaju se pčelari koji imaju registrovanu pčelarsku proizvodnju kao osnovnu djelatnost registrovanu po Zakonu o obrtu i pravna lica, sa iznosom od 2.000,00 KM. Podržavaju se udruženja pčelara Zeničko-dobojskog kantona i Savez pčelara Zeničko-dobojskog kantona za kandidovane projekte u pčelarstvu iznosom do 3.000,00 KM po projektu. Pravo na podršku imaju udruženja koja su registrovana prije 31.12.2019. godine, te da su ispunjeni i drugi kriteriji koji će biti propisani Uputstvom.

Cilj: ojačati rad udruženja kroz učlanjivanje što većeg broja članova, stimulirati proizvodnju meda u skladu sa važećom regulativom.

- 22. Finansiranje sajмова i izložbi u 2020. godini** – Podržava se organizacija i održavanje izložbenih sajmovskih manifestacija i izlaganje životinja i poljoprivrednih proizvoda.

Cilj: promovisati domaću poljoprivrednu proizvodnju, ostvariti nova saznanja i unaprijediti proizvodnju. Iznos: 34.000,00 KM.

- 23. Medijska promocija poljoprivredne proizvodnje** – Podržava se medijska promocija poljoprivredne proizvodnje na području Zeničko-dobojskog kantona prikazivanjem različitih aktivnosti u realizaciji mjera za poboljšanje poljoprivredne proizvodnje.

Cilj: promovisati domaću poljoprivrednu proizvodnju sa tendencijom njenog unapređenja. Iznos: 20.000,00 KM.

- 24. Nerealizovani zahtjevi iz prethodnog perioda i pomoć u posebnim okolnostima -**
 Nerealizovani zahtjevi iz Programa novčanih podrški iz ranijih godina, a za koje zbog određenih administrativnih poteškoća nije isplaćena novčana podrška ili kada je proizvođač ostvario pravo u ponovljenom postupku provedenom po pravosnažnoj sudskoj presudi iz oblasti novčanih podrški, odnosno po pravosnažnom rješenju donesenom u drugostepenom postupku, ista će se realizovati u skladu sa raspoloživim sredstvima u 2020. godini. Sredstva pomoći zbog nastalih velikih šteta od prirodnih nepogoda, kao i specifični zahtjevi određenih ustanova i organizacija, a koji se odnose na pedagoško-edukativne projekte i aktivnosti će biti odobravani u skladu sa raspoloživim sredstvima za ove namjene, nakon provedene procedure koja uključuje procjenu vrijednosti i proceduru ostvarivanja prava na naknadu. Sredstva će odobravati Vlada posebnim zaključkom, na prijedlog Ministarstva. Iznos: 20.000,00 KM.
 Cilj: realizovati osnovana potraživanja koja su izostala zbog određenih poteškoća, pomoć subjektima koji se bave poljoprivrednom proizvodnjom.

III VISINA I RASPODJELA SREDSTAVA

Sredstva odobrena Budžetom Zeničko-dobojskog kantona za 2020. godinu iznose 3.000.000,00 KM i raspodijeliće se u skladu sa ovim Programom na slijedeće oblasti:

Tabela 1. Raspodjela sredstava po oblastima i vrstama poljoprivredne proizvodnje za 2020. godinu

	Vrsta proizvodnje	Iznos poticaja izražen po jedinici mjere	Procjena iznosa KM
A/	MODEL PODRŠKE PROIZVODNJE		
A/1	ANIMALNA PROIZVODNJA		
1.	Podrška za uzgoj brojlera	do 0,10 KM/brojleru	420.000,00
2.	Podrška za držanje koka nosilja	1,00 KM/nosilji	46.000,00
3.	Podrška za registrovane farme goveda	do 400,00 KM/muznom grlu do 100,00 KM/kravi	700.000,00
4.	Podrška za registrovanu ovčarsku i kozarsku proizvodnju	do 3.000,00 KM/obrt	69.000,00
5.	Podrška za registrovanu svinjogojsku proizvodnju	2.000,00 KM/obrt	8.000,00
	UKUPNO:		1.243.000,00
A/2	BILJNA PROIZVODNJA		
6.	Podrška za proizvodnju presadnica povrća	0,04 KM/presadnici	20.000,00
7.	Podrška za poljoprivrednu proizvodnju u plastenicima i staklenicima	5,00 KM/m ²	460.000,00
8.	Podrška za proizvodnju maline, kupine (konvencionalna proizvodnja) i jagode proizvedene po principima organske proizvodnje	do 0,30 KM/kg fizička lica 0,40 KM/kg obrti, pravna lica	570.000,00
9.	Podrška za proizvodnju krastavca-kornišona	do 0,10 KM/kg za fizička lica 0,40 KM/kg za obrte	45.000,00
10.	Podrška za certifikaciju organske poljoprivredne proizvodnje	1.000,00 KM/proizvođaču	5.000,00
11.	Podrška za zasnivanje novih zasada jagodičastog voća (od 1 dunuma i više)	do 700,00 KM/0,1 ha	30.000,00

Ministarstvo za poljoprivredu, šumarstvo i vodoprivredu

12.	Podrška za zasnivanje zasada koštičavog, jabučastog i jezgrastog voća (od 2 -10 dunuma)	500,00 KM/0,1ha	21.000,00
UKUPNO:			1.151.000,00
B/	MODEL PODRŠKE PRERADIVAČIMA I OTKUPLJIVAČIMA		
13.	Podrška otkupljivačima/prerađivačima mlijeka sa područja Zeničko-dobojskog kantona	0,02 KM/litru	220.000,00
14.	Podrška otkupljivačima/prerađivačima pilećeg mesa	0,10 KM/kg	50.000,00
15.	Podrška otkupljivačima svježeg voća i povrća (izuzev jagodičastog voća)	0,04 KM/kg	25.000,00
16.	Podrška registrovanim otkupljivačima ljekovitog bilja	0,20 KM/kg	10.000,00
17.	Podrška registrovanim organizatorima otkupa jagodičastog voća	do 0,05 KM/kg	65.000,00
18.	Podrška za otkup jagodičastog voća otkupljivačima koji vrše zamrzavanje	do 0,10 KM/kg	65.000,00
UKUPNO:			435.000,00
C/	MODEL KAPITALNIH ULAGANJA		
19.	Podrška za nabavku mehanizacije za poljoprivredu	do 25% vrijednosti	27.000,00
20.	Podrška za nabavku plastenika (minimalne površine 100 m ²)	10,00 KM/ m ²	25.000,00
UKUPNO:			52.000,00
D/	MODEL OSTALIH VRSTA PODRŠKI		
21.	Podrška projektima iz oblasti pčelarstva	2.000,00 KM/obrt do 3.000,00 KM/projekt	45.000,00
22.	Finansiranje sajmovi i izložbi u 2020. godini		34.000,00
23.	Medijska promocija poljoprivredne proizvodnje		20.000,00
24.	Nerealizovani zahtjevi iz prethodnog perioda i pomoć u posebnim okolnostima		20.000,00
UKUPNO:			119.000,00
UKUPNO (A+B+C+D)			3.000.000,00

Napomena: Kolone u tabelama koje definišu procjenu potrebnih sredstava u KM su projekcija mogućeg utroška sredstava, tako da će ovisno o broju zahtjeva biti prelijevanja sredstava iz jednog poticaja u drugi. (Ovisno o broju zahtjeva, očekuje se prelijevanje sredstava).

IV NAČIN OSTVARIVANJA PODRŠKI

Podrške ostvaruju korisnici koji ispunjavaju opće i posebne uslove propisane ovim Programom i Uputstvom, kojim će se utvrditi postupak, potrebna dokumentacija, obrasci i drugi relevantni podaci.

Korisnici koji apliciraju na pojedine podrške podnose propisanu dokumentaciju za ostvarivanje podrški nadležnom općinskom organu, a općinski organ kompletiranu dokumentaciju proslijeđuje na protokol Kantona, ukoliko nije drugačije propisano Uputstvom.

Izuzetno, ako je to u interesu korisnika, zahtjev za ostvarivanje podrške u poljoprivredi može se dostaviti poštom ili direktnom predajom na protokol Kantona.

Ministarstvo za poljoprivredu, šumarstvo i vodoprivredu

Daljnji postupak se provodi u skladu sa Procedurom za ostvarivanje prava na kantonalne novčane podrške u primarnoj poljoprivrednoj proizvodnji ZE-DO-PR-024, utvrđenom u standardima EN ISO 9000:2015 i EN ISO 9001:2015.

V IZVORI SREDSTAVA

Izvor sredstava za realizaciju Programa je Budžet Zeničko-dobojskog kantona za 2020. godinu ("Službene novine Zeničko-dobojskog kantona", broj: 24/19), u kojem je na stavci "Subvencije za podsticaj razvoja u poljoprivrednoj proizvodnji" u razdjelu 23. budžetska organizacija 01, potrošačka jedinica 0001, ekonomski kod 614400, NAD 402 utvrđen iznos od 3.000.000,00 KM.

Utvrđen iznos realizovaće se u skladu sa prilivom sredstava u Budžetu, a na bazi mjesečnih operativnih planova.

VI KORISNICI SREDSTAVA

Korisnici sredstava su fizička lica, obrti i pravna lica koja ispunjavaju propisane opće i posebne kriterije iz ovog Programa i Uputstva (poljoprivredni proizvođači, zadruge, udruženja poljoprivrednih proizvođača, otkupljivači, prerađivači poljoprivrednih proizvoda i dr.)

Broj: 02- 11-4190 /20
Datum, 13.03.2020. godine
Zenica



PREMIJER
po ovlaštenju

Mirnes Bašić

DOSTAVLJENO:

- 1x Ministarstvo za poljoprivredu, šumarstvo i vodoprivredu,
- 1x Ministarstvo finansija,
- 1x a/a.